

Iñaki Urdangarin zaurituei eta baita euskal gizarte osoari ere.

2. Loiolako ekintza dela eta ohartarazi nahi dugu lehenago ere gertatu izan dela Espainia-ko indar okupatzaileen zerbitzura aritzen den herritarrik gure ekintzen ondorioak jasan izana, hartara, horrelakorik gerta ez dadin euskal herritarrei indar armatu atzeritarreko soldatapeko edo bestelako kolaborazioa (edozelango horniketa edo laguntza) bertan behera utz dezaten deia berresten diegu.

3. Zumarragako adin-txikiko en kartzelaren aurkako ekintza dela eta, marko autonomiko zatikatzaileko PNV eta EAko arduradunak salatu eta beren jarrera gaitzesten dugu, Euskal Herriko adin-txikiko gazteak Espainiako legedipean kartzelaratzearen aldeko agertu direlako, goraki eta harrotasunez bereganatuz zeregin hori. Bide batez, alderdi horietako arduradunei euskal gaztedia kriminalizatu eta zigortzeko prestatu eta bultzatzen ari diren ekimenak behin betirako alde batera utz dezaten dei egiten diegu.

4. Hernaniko Zinkoenean Ertzaintzaren aurka burututako ekintza dela eta oroitarazi nahi dugu 1997ko Azarotik 1998ko Ekaina bitartean ETAk Espainiaren menpeko gorputz errepresibo autonomiko horrekiko aldebakarreko suetena mantendu zuela. Aldiz, polizia gorputz horrek etengabe jazartzen zaio euskal gizarteari, bere zaintze-lanak, jipoitzeak, bahiketak eta are hilketak bereziki Euskal Herriaren askatasunaren aldeko antolakundetako kideen aurka eta euskal gazteen aurka burutzen dutelarik. Zeregin horretan Goardia Zibil eta Espainiako Poliziarekiko osagarritasun eta ordezkatzeko lana egiten du Ertzantzak, ardura-dun politikoetatik hasi eta azken poliziaraino. Hori dela eta, orainartean bezala aurrerantzean ere Euskal Herriaren aurka egingo duten zigortze-lanaren arabera izango da ETA-ren aldetik jasoko duten ordaina.

5. Espainiaren interes ekonomiko-turistikoen aurkako ekintzak direla eta gune turistiko horiek beren aisia eta bakan-tzarako hautatzen dutenei ohartarazi nahi diegu ETAk bere ekintzen helburutzat hartuak dituela gune horiek; eta, hartara, nahigabeko ondorioak gerta ez dadin bertaratu ez daitezten deia luzatzen diegu. Gune horiek nagusiki Europako herritarren aisialeku direnez, oharpen hau beraientzat da bereziki».

**Euskal Herrian,
2001eko Martxoan
Euskadi Ta Askatasuna
E.T.A.**

LEHERKETAK. Azpeitiko epaitegia denbora luzez egongo da itxita izandako kalteengatik



INAKI URANGA

Azpeitiko epaitegiaren ate pareak, txikituta, leherketaren ondorioz.

Tolosako eta Azpeitiko lehergailuak bosna kilo dinamitaz osatuta zeuden

Herrizaingo sailaren arabera, ETAk jarritako lehergailuek erlojuak zeramatzen, ordu jakin batean eztanda egiteko

Erredakzioa | **DONOSTIA**

Tolosako eta Azpeitiko (Gipuzkoa) epaitegiaren hereneun iluntzean eztanda egin zuten bi lehergailuak lau pabosna kilo dinamita zuten bakoitzak, atzo Eusko Jaurlaritzako Herrizaingo Sailak jakitera eman zuenez.

Javier Balza Herrizaingo sailburuaren arabera, baliteke dinamita hori ETAk Greno-

blen (Frantzia) lapurtutakoa izatea. Sailburuak aditzera eman zuenez, lehergailuek erlojuak zituzten, ordu jakin batean eztanda egin zezaten.

Balzaren arabera, epaitegien aurkako atentatuak ez dira kale borrokako ekintzak, ETAk berak egindako atentatuak baizik. Leherketak baino hogeita minutu lehenago ETA erakunde armatuaren izenean egindako dei bat jaso zuten

Gara egunkarian 22:35ean Tolosako eta Azpeitiko epaitegiaren lehergailuek eztanda egingo zutela abisatuz. Sailburuaren hitzetan, «denbora tarte horretan Ertzaintzak zonaldea lokarrit inguratzea baino ezin izan zuen egin, lekua jendez husteko betarik izan gabe, nahiz eta lekuaren ezaugarrien arabera horren beharrik ez izan».

Lehergailuek ez zuten kalte

SABIN INTXAURRAGA

EAEko Justizia sailburua

«ETA soberan dago, herri honetan hondamendia baino ez baita eragiten ari zentzurik gabeko atentatuekin»

«Gatazka politikoa konpontzeko bide bakarra elkarriketaren eta negoziazioaren bidez etorriko da»

pertsonalik eragin, baina bai materialak. Hala ere, Tolosako Justizia epaitegiak gaur irekiko ditu ateak berriro, eragindako kalteak arinak izan baitira. Azpeitiko, ordea, denbora luzez egongo da itxita, kalteak handi samarrak izan baitziren. Hain zuzen ere, epaitegiaren sarreran egin zuen eztanda lehergailuak, eta horman hiru metroko diamentroko zuloa ireki zuen. Hala-ber, parean dagoen eraikinak izan zituen kalte larrienak. Leihoak apurtzeaz gainera, inguruan zeuden sei ibilgailuk ere kalteak izan zituzten.

Intxaurragaren gaitzespena

EAEko Justizia sailburu Sabin Intxaurragak atentatuak gaitzetsi zituen atzo, eta adierazi zuen atentatu horiekin ETAk «hondamendia» baino ez duela sortzen Euskal Herrian. Atentatuek «zentzurik ez» dutela zioen, «eta eraikin modernoak eta funtzionalak izateko egiten duen ahaleginaren aurrean, atentatuon bidez hiritarrok zergen bidez ordaindu behar izana instalazio horiek eragiten du ETAk».

Intxaurragak zioenez, «gatazka politikoa konpontzeko era bakarra alderdien arteko elkarriketa eta negoziazioaren bidez etorriko da». Haren hitzetan, «ETA soberan dago, herri honetan hondamendia baino ez baita eragiten ari».

'NOUVEL OBS'-EN ELKARRIZKETA. «Bortizkeriaren kontrako itunak» Gasteizko Gobernua du helburu

Erredakzioa | **BAIONA**

«Ez dago euskal gatazka historikoa. Arazo bakarra terrorismoa da. Terrorismoaren kontrako borroka, beraz, erabakigarria da. Fenomeno hori deusezteko erdiesten badugu —eta zaila da— beste inolako gatazkarendako espaziorik ez dugu utziko», adierazi du Jose Maria Aznar Espainiako pre-

Euskal gatazka ETA desagertaraztearekin bukatuko dela dio Aznarrek

sindenteak Pariseko *Nouvel Observateur* astekariak (PSFtik hurbilekoa), egin elkarriketetan, gatazka errepresioaz soilik konponduko ote den galderari zeharka erantzuterakoan.

Bortizkeriaren kontrako PPrent eta PSOEn arteko ituna, aldiz, Gasteizko Gobernua erdiesteko ituna dela aitortu du Aznarrek. Autonomi Estatutua garatzeko prest ote da-

goen galdeginez gero, berriz, «garapena autodeterminazioa edo independentzia» litzatekeela ihardetsi du.

ETAk Frantziako ekin ote dezakeen galderari buruz, ezko da: «Frantziako segurtasun arduraduna banintz, afera hurbiletik segituko nuke...», esan du Espainiako gobernuburuak, eta Frantziak ematen duen laguntza ona dela erran du.